

令才實允宗恪居本朝能率大戛載習載步稚之秣之
疏穢鎮浮受剽聽訟匪燒匪剔斯馬斯才荷天之寵未
可涯也判官尚乘奉御長孫勗壽安尉賀蘭弼華陰主
簿常冀並心懸規鏡家韞賜書投刃靡全應機立斷侶
昌門之驂乘行翼聖仙偕子況之能官坐登卿相有原
迓浦非大而何雅所謂愷悌君子干祿愷悌信矣先是
國家以岐上近甸函土晚寒寧州壤甘涇流水流惡澤
茂豐草地平鮮原當古公走馬之郊接非子犬邱之野
度其四境分署八坊其五在岐其餘在三郡保樂第一

蘇忠主之甘露第二劉義尸之南晉潤第三田敬董之
北普潤第四卽業監之岐陽第五李行守之太平第六
馬慶尹之宜祿第七曾叡領之安定第八李仙正之八
人者或折衝禦侮或果毅嫻兵射御不違始終惟一又
命朝散大夫都施總監韋績總以饒之韋公敢行利物
克壯遠猷悉心效官盡瘁事國口授諸吏躬親百為攻
持執駒禁蠹驅蠭撫穌趣馬慰薦扈人陳損益以示其
方明賞罰以防其慢立封準以程其課均衆寡以節其
宜告之以畏威申之以誘掖曰善而筐蠹敵而瓔纓除